

ORDENANZA REGULADORA DO PREZO PÚBLICO POLA PRESTACIÓN DO SERVIZO DE MADRUGADORES A CARGO DO CONCELLO DE VIMIANZO NO CENTRO PÚBLICO DE EDUCACIÓN INFANTIL E PRIMARIA PLURILINGÜE SAN VICENZO.

1. FUNDAMENTO E NATUREZA:

De conformidade co previsto no artigo 127, en relación co artigo 41 do Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais, este concello establece o prezo público por prestación de servizos complementarios de educación nos Centro Público de Educación Infantil e Primaria Plurilingüe San Vicenzo, especificando as tarifas no artigo 4 e seguintes, que se rexerán polo presente texto normativo.

2. CONCEPTO:

Os prezos públicos regulados nesta ordenanza constitúen prestacións patrimoniais de carácter público que se satisfarán polas familias usuarias que voluntariamente soliciten a prestación dos seguintes servizos complementarios de educación no Centro Público de Educación Infantil e Primaria Plurilingüe San Vicenzo. Este servizo “MADRUGADORES”, comprende:

- Atención, coidado e custodia nas instalacións do centro ás crianzas matriculadas no centro educativo antes do inicio da xornada escolar durante o horario definido no Regulamento do servizo, así como a atención educativa apropiada aos nenos e nenas desta idade, de conformidade coa normativa aplicable. Posibilidade de almorzo.

3. OBRIGADOS AO PAGAMENTO:

Están obrigados ao pago do prezo público regulado nesta ordenanza, aquelas familias usuarias recollidas no regulamento de servizo que se benefician das actividades prestadas por este Concello a que se refire o artigo anterior. En concreto, os pais, titores e, en xeral, aquelas persoas que ostentan a patria potestade dos nenos que utilicen o servizo.

4. CONTÍA:

4.1. A contía do prezo público deriva da aplicación das seguintes tarifas:

4.1.1 Asistencia ordinaria ao Servizo “MADRUGADORES”:

• Servizo todos os días da semana: 50 euros/mes/usuario-a

4.1.2. Asistencia ordinaria ao Servizo “MADRUGADORES” con almorzo:

• Servizo con almorzo todos os días da semana: 55 euros/mes/usuario-a

4.1.3. Asistencia días soltos ao Servizo “MADRUGADORES”:

• Servizo en días soltos: 5 euros /usuario-a.

Contabilízanse ata un máximo de 12 días soltos. A partir do día 13 cobrarase o mes completo.

4.2. Cando por circunstancias sobrevidas, o usuario ingrese ao servizo con posterioridade ao día 15 do mes, as tarifas previstas de asistencia ordinaria que corresponda pagar polo dito mes terán unha redución do 50%.

4.3. As familias numerosas terán unha redución do 50% a partir do segundo fillo, na asistencia ordinaria ao servizo con e sen almorzo. Non así, nos días soltos.

5. BONIFICACIÓNS:

Estarán bonificados ao 100% das tarifas establecidas no artigo anterior aqueles que, obrigados ao pago que de conformidade co Regulamento do Servizo, sexan declarados en situación de Emerxencia Social e baixo informe perceptivo de servizos sociais.

6. PERÍODO IMPOSITIVO E NACEMENTO DA OBRIGA DE PAGAMENTO:

6.1. O período impositivo das tarifas do prezo público polos conceptos recollido nos artigos 4.1.1 (asistencia ordinaria) e 4.1.2 (asistencia ordinaria con almorzo) desta ordenanza será o mes natural, producíndose o nacemento da obriga de pago o día 1 de cada mes.

6.2. O período impositivo das tarifas do prezo público recollidas no artigo 4.1.3 (días soltos) desta ordenanza será o mes natural, producíndose o nacemento da obriga do pagamento no momento da utilización do servizo.

7. NORMAS DE XESTIÓN:

7.1. O cobro das tarifas do prezo público recollidas nos apartados 4.1.1 (asistencia ordinaria) e 4.1.2 (asistencia ordinaria con almorzo) xestionarase a partires dun padrón constituído polos recibos comprensivos dos obrigados ao pago, usuarios e tarifas aplicables o cal será aprobado mensualmente dentro do período impositivo correspondente e publicándose no taboleiro municipal de anuncios da sede electrónica do Concello de Vimianzo e no BOP.

7.2. O período ordinario de cobramento será de trinta días naturais dende a aprobación e publicación do correspondente padrón, transcorrido o cal as contías devindicadas poderán ser esixidas mediante o procedemento de constrinximento.

7.3. O medio de cobramento ordinario será o de domiciliación bancaria nas contas sinaladas polos obrigados ao pago, producíndose o cargo dentro dos dez primeiros días dende a aprobación do padrón correspondente.

7.4. As declaracións de altas, baixas e en xeral de variación de datos feitas dentro dun período impositivo surtirán efectos no Padrón do período inmediatamente posterior.

7.5. O cobramento das tarifas por utilización do servizo por días soltos, será mediante o mesmo padrón aprobado mensualmente, constituído polos recibos comprensivos dos obrigados ao pago, usuarios, tarifas aplicables e número de prestacións no mes natural anterior, o cal seguirá o mesmo procedemento establecido nos apartados 1, 2 e 3 deste artigo.

7.6. O desistimento ou falta de asistencia dos usuarios ao servizo non suporá redución nin exención da obriga de pagamento mentres non se formalice a baixa correspondente por escrito ante o rexistro municipal e causará efectos no período impositivo seguinte, non procedendo a devolución do ingresado con anterioridade á data de comunicación da baixa.

Dita baixa será de oficio para aqueles participantes que deban máis de dous recibos, sen prexuízo do cobro dos mesmos pola vía de constrinximento.

DISPOSICIÓN DEROGATORIA

Esta ordenanza reguladora do prezo público pola prestación do servizo de madrugadores do Concello de Vimianzo deroga o prezo público aprobado na Xunta de Goberno Local do 10 de xaneiro de 2020, recitificado por acordo da Xunta de Goberno Local do 4 de febreiro de 2020.

DISPOSICIÓN DERRADEIRA

A presente ordenanza reguladora do prezo público pola prestación do servizo de Madrugadores a cargo do Concello de Vimianzo no Centro Público de Educación Infantil e Primaria Plurilingüe San Vincenzo entrará en vigor de acordo co sinalado na Ordenanza xeral de prezos públicos do Concello de Vimianzo logo da súa publicación no BOP e no taboleiro de anuncios da sede electrónica do Concello de Vimianzo.

Vimianzo, 24 de xullo de 2025

A alcaldesa,

Mónica Rodríguez Ordóñez